



Босна и Херцеговина
Агенција за идентификациона
документа евиденцију
и размјену података



Bosna i Hercegovina
Agencija za identifikacijske/identifikacione
isprave/dokumente, evidenciju
i razmjenu podataka

Broj: 15-03-16-5-1099/15
Datum: 8.1.2016. godine

Na osnovu člana 61. Zakona o upravi (Službeni glasnik BiH broj 32/02), člana 19. Zakona o Agenciji za identifikaciona dokumenta, evidenciju i razmjenu podataka BiH („Službeni glasnik BiH“ broj 56/08), člana 69. stav 2. tačka e), a u vezi sa članom 72. stav 3. tačka e) i f) i člana 70. Zakona o javnim nabavkama BiH („Službeni glasnik BiH“, broj 39/14), direktor Agencije donosi slijedeću:

O D L U K U **o poništenju postupka nabavke**

I

Poništava se postupak javne nabavke računara i računarske opreme objavljenom na web portalu Agencije za javne nabavke BiH, broj obavještenja: 1110-1-1-70-3-60/15 od 20.10.2015. godine, koji je proveden u skladu sa procedurom otvorenog postupka.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja. Stupanjem na snagu ove odluke stavlja se van snage Odluka o izboru najpovoljnijeg ponuđača broj: 15-03-16-5-1099/15 od 03.12.2015. godine.

O b r a z l o ž e n j e

Na osnovu provedenog postupka nabavke, Komisija za nabavke, imenovana Rješenjem broj: 15-03-16-5-1099/15 od 14.09.2015. godine, konstatovala je da je rok za dostavu ponuda 19.11.2015. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristiglo 5 ponuda i to ponuđača: Network I d.o.o., Primaprom d.o.o., R&S d.o.o., BISCOmMERCE d.o.o. i PRINTEX d.o.o. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o ocjeni ponuda, u kojem su detaljno obrazloženi razlozi za izbor najpovoljnijeg ponuđača.




Analizom ponuda primjenom kriterija najniža cijena Komisija je utvrdila da je najpovoljnija je ponuda ponuđača R&S d.o.o. Sarajevo.

Nakon toga ponuđaču R&S d.o.o. Sarajevo dostavljen je na potpis ugovor o kupoprodaji računara i računarske opreme, uz napomenu da je u roku od 2 dana dužan potpisati ugovor.

Članom 72. stav 3) tačka e) i f) Zakona o javnim nabavkama BiH propisano je da ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti potpisati ugovor o nabavci u roku koji mu je odredio ugovorni organ, odnosno odbije zaključiti ugovor pod uslovima navedenim u tenderskoj dokumentaciji i dostavljenoj ponudi. U konkretnom slučaju ugovorni organ je ostavio rok od 2 dana, a ugovor je ponuđač R&S d.o.o. Sarajevo zaprimio dana 30.12.2015. godine. Ponuđač R&S d.o.o. Sarajevo je obavijestio ugovorni organ da ne posjeduje robu koja je navedena u dostavljenoj ponudi, te do dana donošenja ove odluke nije potpisao ugovor.

Kako ukupna cijena najpovoljnije ponude sa PDV-om iznosi 116.221,16 KM, a koji iznos predstavlja i ukupna obezbijeđena sredstva nakon izvršene izmjene namjenske strukture, odnosno kako su cijene svih prihvatljivih ponuda znatno veće od osiguranih sredstava za predmetnu nabavku u skladu sa članom 69. stav 2. tačka e) Zakona o javnim nabavkama BiH, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda ovog zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine (Maršala Tita broj 11a, Sarajevo) putem ugovornog organa, u pisanoj formi direktno ili preporučenom poštanskom pošiljkom, u rokovima propisan Zakonom. Žalba se podnosi u dovoljnom broju primjeraka, a koji ne može biti manji od tri, kako bi mogla biti uručena kvalificiranom kandidatu ili izabranom ponuđaču, kao i drugim strankama u postupku.

X 

DIREKTOR

Edim Nesimi

Signed by: ENESIMI
дигитално потписано / digitalno potpisano / digitally signed